



## মাধ্যমিক ও উচ্চমাধ্যমিক শিক্ষা বোর্ড, ঢাকা

[www.dhakaeducationboard.gov.bd](http://www.dhakaeducationboard.gov.bd)

স্মারক নং-২১১/ক/স্বী/০২(অংশ-১)/১৯১১

তারিখ: ০৭.১১.১৯

বিষয়: কারণ দর্শানো প্রসঙ্গে।

সূত্র: গত ০৬/১১/২০১৯ তারিখে দৈনিক জনকণ্ঠ পত্রিকায় “এমপিও নিয়ে কেলেঙ্কারি বেড়িয়ে আসছে অনিয়মের নানা তথ্য” শিরোনামে অনলাইনে প্রকাশিত খবর।

উপর্যুক্ত বিষয় ও সূত্রের প্রেক্ষিতে জানানো যাচ্ছে যে, ঢাকা মহানগরীর বাড্ডায় অবস্থিত ন্যাশনাল কলেজ, বাড্ডা এর বিষয়ে পত্রিকার খবরে উল্লেখ করা হয়, ন্যাশনাল কলেজ, বাড্ডা “ন্যাশনাল এডুকেশন এন্ড টেকনোলজি ফাউন্ডেশন” কর্তৃক পরিচালিত হচ্ছে অথচ প্রতিষ্ঠানটি এমপিওভুক্ত করতে ট্রাস্ট কর্তৃপক্ষের অনুমোদনই নেয়া হয়নি। ট্রাস্টের চেয়ারম্যান অবিলম্বে কলেজের এমপিওভুক্তি বাতিলের দাবিতে শিক্ষা উপমন্ত্রী ও মন্ত্রণালয়ের সিনিয়র সচিবের নিকট অভিযোগসহ চিঠি দিয়েছেন। পত্রিকার ভাষ্যমতে প্রকৌশলী মোঃ শাহজাহান ও শহিদুল্লাহ বাদল আপনার বিরুদ্ধে শিক্ষকদের নিকট হতে চাঁদা আদায় করে প্রতিষ্ঠানকে এমপিওভুক্ত করার বিষয়ে অভিযোগ করেছেন। তারা আরো উল্লেখ করেন, ঢাকা শিক্ষা বোর্ড হতে এডহক কমিটি এবং মন্ত্রণালয় হতে এমপিওভুক্তি করানোর জন্য আপনি ৬০ লক্ষ টাকা ঘুষ দিয়েছেন বলে একটি সালিশি সভায় উত্থাপন করেন এবং এ ঘটনায় বোর্ডের একজন কর্মকর্তা জড়িত। তারা আরো উল্লেখ করেন প্রতিষ্ঠানটি ১১ জন শিক্ষানুরাগীর আর্থিক সহযোগিতায় প্রতিষ্ঠিত, এমপিওভুক্তির বিষয়ে তারা কিছুই জানেন না এবং বিষয়টি ফাউন্ডেশন কমিটির আলোচনায় আসেনি। এছাড়া আপনি যৌতুক ও নারী নির্যাতন মামলায় গ্রেফতার হয়ে সাময়িক বরখাস্ত অবস্থায় আছেন। এমপিওভুক্তির জন্য যদি আপনি আবেদন করে থাকেন তবে তা অবৈধ। প্রতিষ্ঠানটিতে ব্যাংকের ডকুমেন্ট জাল করে বিপুল পরিমাণ টাকা আত্মসাৎ করা হয়েছে, আর্থিক বিষয়টি গোপন ও মিথ্যা তথ্য উপস্থাপন করা হয়েছে। আরো উল্লেখ করা হয় প্রতিষ্ঠানটি একটি বাণিজ্যিক ভবনের ২য় তলা হতে ৬ষ্ঠ তলা পর্যন্ত ভাড়া ভবনে পরিচালিত হয়ে আসছে। নিচতলায় অগ্নিকাণ্ড ঘটনার ঝুঁকিতে আছে। একটি অস্তিত্ববিহীন জমির দলিলাদি তৈরি করে কর্তৃপক্ষকে ধোকা দিয়ে এমপিওভুক্তির আবেদন করা হয়েছে। জমিটি খারিজ করতে গেলে এই গুরুতর অনিয়ম ধরা পড়ে বলেও উল্লেখ করা হয়।

এমতাবস্থায়, উক্ত রিপোর্টের প্রতিটি অভিযোগের বিষয়ে কারণ ব্যাখ্যা করে আগামী ১১/১১/২০১৯ তারিখের মধ্যে নিম্নস্বাক্ষরকারীর দপ্তরে লিখিতভাবে প্রেরণের জন্য আপনাকে অনুরোধ করা হলো। অন্যথায় আপনার বিরুদ্ধে বিধি মোতাবেক ব্যবস্থা গ্রহণ করা হবে।

চেয়ারম্যানের আদেশক্রমে

০৭.১১.১৯

প্রফেসর ড. মো: হারুন-অর-রশিদ

কলেজ পরিদর্শক

মাধ্যমিক ও উচ্চমাধ্যমিক শিক্ষা বোর্ড, ঢাকা

ফোন: ৫৮৬১২৪৭৬

ইমেইল: [ic@dhakaeducationboard.gov.bd](mailto:ic@dhakaeducationboard.gov.bd)

অধ্যক্ষ

ন্যাশনাল কলেজ, বাড্ডা (ইআইআইএন-১৩১৯৪৫)

বাড্ডা, গুলশান, ঢাকা